

Schwarz-Schilling: «Otvaranje novih radnih mjesta ima ključni značaj za ostvarivanje napretka u drugim oblastima»

Moguće je poboljšati situaciju u pogledu stvaranja povoljne klime za privlačenje stranih investicija u Bosnu i Hercegovinu, uvođenja većih poticaja za otvaranje novih radnih mjesta i provođenja mjera koje će imati direktan i pozitivan uticaj na životni standard, ukoliko se ekonomskim pitanjima da prioritarno mjesto u okviru političke debate, izjavio je danas visoki predstavnik i specijalni predstavnik EU, Christian Schwarz-Schilling, na konferenciji o ekonomskim temama održanoj danas u Sarajevu.

«Izgubili smo cijelu godinu zbog političkih nesuglasica koje nisu učinile ništa na poboljšanju ekonomske perspektive ove zemlje», rekao je Schwarz-Schilling. «Lideri političkih stranaka su pokazali veće zanimanje za ministarske fotelje nego za ekonomske pokazatelje.»

Schwarz-Schilling je pozvao političare u BiH da u okviru glavnih tokova političke debate ponovo pokrenu raspravu o ekonomskim pitanjima i da «usmjere pažnju na praktične zakonodavne i administrative inicijative koje već uživaju veliku podršku javnosti a o kojima još uvijek nije vođena rasprava zbog toga što su političke stranke svoju pažnju posvećivale drugim pitanjima.»

Visoki predstavnik i specijalni predstavnik EU je nekoliko puta naglasio: «Ukoliko nema novih radnih mjesta i niste u mogućnosti da poboljšate životni standard, onda će i odvijanje

reformi u svakoj drugoj oblasti ići daleko teže.»

Schwarz-Schilling je takođe naglasio da je u brojnim oblastima već pripremljeno reformsko zakonodavstvo koje je potrebno usvojiti i provesti kako bi se pokrenula ekonomija. Ovi zakoni uključuju Zakon o nacionalnom fiskalnom vijeću BiH i Zakon o obligacijama BiH, formiranje centralnog sistema bakarske supervizije, preduzimanje mjera kako bi se osigurala bolja sloboda kretanja radne snage između entiteta, aktivne napore na stvaranju konkurentskog poslovnog okruženja u sektoru telekomunikacija, poboljšanje ulaganja u infrastrukturu, i formiranje Socijalnog i ekonomskog vijeća BiH u cilju omogućavanja dijaloga između radnika, poslodavaca, političara i drugih ključnih protagonista u ovom procesu.

«Uspješno provođenje reformi predstavljalo je oslonac za odvijanju pregovora o sklapanju Sporazuma o stabilizaciji i pridruživanju s Evropskom unijom, koji će biti moguće potpisati čim bude riješeno pitanje reforme policije, što trenutno predstavlja političku prepreku», izjavio je Schwarz-Schilling.

«Prije nego potrebne ekonomske reforme ne odnose se samo na ispunjavanje uslova koje je postavila međunarodna zajednica nego predstavljaju razumne i praktične mjere čiji je cilj privlačenja ulaganja, otvaranja novih radnih mjesta i poboljšanje životnog standarda. Ovdje ne govorimo o apstraktnim pojmovima nego o uspješnoj politici za koju se pokazalo da, u praktičnom smislu, daje konkretne rezultate», rekao je Schwarz-Schilling.

Visoki predstavnik/specijalni predstavnik EU je održao govor na Poslovnom i investicijskom samitu BiH, u organizaciji «European Finance Convention» (*Evropskog finansijskog kongresa*) i FIPA-a, održanom u zgradi Parlamenta BiH.

Cijeli tekst govora visokog predstavnika/specijalnog predstavnika EU možete naći na sljedećim web adresama:

www.ohr.int i www.eusrbih.org.